

欽定古今圖書集成

方輿彙編職方典



欽定古今圖書集成方輿彙編職方典

第四百七十五卷目錄

汝寧府部彙考九

汝寧府物產考

汝寧府古蹟考

古今圖書集成
職方典第四百七十五卷
汝寧府部彙考九
汝寧府物產考
府志

職方典第四百七十五卷

汝寧府部彙考九

汝寧府物產考

府志

稻 有十餘種

黍 稷

麥

菽

粱 粦

蕎麥

芝麻

葛 寒粟

蔬類

菘 俗名白菜

芹 芥 笋 茄

瓠 蕨 薺 菱

蔓菁 苜蓿 芋 菠稜

蘿蔔 葫蘆 茗蓬

蘘荷 俗名甘露

萵苣 苧蒿

龍鬚 俗名倒鉤

山藥 茨菰 丁香茄

絲瓜 冬瓜 菜瓜 地瓜

南瓜 北瓜

苦瓜 俗名癩葡萄

扁豆 刀豆 酒豆 蠶豆

茶豆 土豆 豇豆 菱芡

蒜 韭 葱 薑

果類 杏 梅 李

桃 杏 梅 李

柰 栗 棗 柿

梨 榛 榴 柑

銀杏 卽白果

蘋婆 卽蘋果

林禽 卽花紅

沙果 櫻桃 胡桃

葡萄 紫白二種

枇杷 文官果 無花果

木瓜 香瓜 西瓜 蓮房

芋薺 芡 藕

木類

松 有數種

梓 柏 檜 杉

柘 楓 桑 椴

楸 槐 榆 檀

棠 椒 棟 樗

櫟 楮 椿 棘

柞 梧桐 楊柳 垂柳

黃楊 白楊 冬青

莎蘿 間有之

千頭松

佛手松

鳳尾竹

四季竹

班竹

叢竹

紫竹

青竹

墨竹

水竹

黃竹

苦竹

遼竹

花類

牡丹

有數種

桂

有三種

海棠

有三種

木香

有二種

辛夷

八仙

繡毬

玉蘭

瑞香

紫薇

山茶

丁香

寶相

紫荊

茶蘼

茨梅

蒼荀

卽梔子

石榴

火石榴

壽星梔子

木槿

石楠

地棠

碧桃

瑞仙桃

金絲桃

緋桃

絳桃

壽星桃

蘭

蠟梅

芍藥

芙蓉

蕙

百合

薔薇

迎春

麗春

十姊妹

月季

蜀葵

黃葵

向日葵

凌霄

夜合

蓮

萱

山丹

捲丹

石竹

山樊

扁竹

剪紅羅

鶯粟

金盞

紫蝴蝶

火蝴蝶

金鷺鸞

銀鷺鸞

轉枝蓮

滿地嬌

秋海棠

西番錦

夜落金錢

玉簪

有三種

鳳仙

雞冠

金線重樓

素馨 有二種

菊花

有數十種

水仙

淡竹

龍爪

十樣錦

天竹

僧帽菊

僧鞋菊

三春柳

芭蕉

地湧金蓮

草類

蒼草

吉祥

雲頭

鳳尾

宜男

垂盆

苜蓿

薜蘿

馬蘭

虎鬚

水葱

藍

萍

藻

蓴

蓼

蒲

蘆

葦

茜

茅

莎

莠

絡石藤

扒山虎

藥類

黃精

紫蘇

蒼朮

白芷

茱萸

枸杞

菖蒲

芍藥

黃耆

荆芥

薄荷

桔梗

山茨菰

蒼耳

白芨

澤瀉

木瓜

石斛

木賊

茵陳

括婁

香附

苦參

大戟

細辛

牽牛

蟬蛻

木鱉

半夏

南星

通草

苧麻

山查

地榆

商陸

葶藶

甘菊

茴香

蒺藜

楮實

艾葉

猪苓

皂角

菟絲

益母

貝母

黃柏

黃芩

鹿茸

蓮蕊

槐角

紫花

牛旁子

桑白皮

地骨皮

酸棗仁

鹿角膠

桃花石

天門冬

麥門冬

何首烏

金銀花

夏枯草

槲地龍

獨行虎

蒲公英

天花粉

地丁香

生地黃

旱蓮草

車前子

海金沙

土茯苓

金桑樹根

王不留行

禽類

鶴

鷺鷥

鴻

鴈

鵠

鸛

鷗

雉

鶯

燕

鷹

鸛

喜鵲

鳩

鶉

鴿

翠

烏鴉

麻雀

鳧

練鵲

鷓鴣

鳩

天鵝

子規

布穀

啄木

魚鷹

竊脂

告天

畫眉

鴛鴦

鸚鵡

鵲鴿

鴛鴦

鴿鴿

百舌

鷓鴣

淘河

噶嘴

白頭翁

長鳴鷄

鳴鴉

獸類

虎

豹

熊

豺

狼

麋

鹿

麀

鹿

獾

貉

兔

猿

猴

狐

狸

野猪

山羊

刺蝟

畜類

馬

牛

騾

驢

羊

豕

犬

猪

鱗類

魴

鯉

鯽

鯖

鱧

鱖魚

俗名胖頭

黃姑魚

馬郎魚

鮎

黃頰

鱮

鱮

趕魚

金魚

銀魚

鱣魚

鱒魚

白魚

鱗花

介類

龜

鱉

龜

蟹

蝦

蚌

蛤蜊

螺螄

貨類

絲

麻

綿花

榮麻

葛布

信陽羅山光山固始四處間有

綿紬

確山息縣間有

縑

西平間有

綿布

紫花布

茶

固始商城間有亦不甚佳

肉鮓

出府城者甚佳然不能致遠

蠟

紅花

靛

蜜

木炭

出確山遂平二處

汝寧府古蹟考
本府
古蔡國
在汝陽上蔡二縣界周叔度所封之地
平輿故城
在府城東汝水南春秋沈子國地
漢置縣屬汝南郡後省入汝陽
宜春城
在府城西南漢舊縣屬汝南郡晉改曰北宜春
安成故城
在府城東南漢舊縣屬汝南郡

汝寧府古蹟考

府志

本府

古蔡國 在汝陽上蔡二縣界周叔度所封之地

地

平輿故城 在府城東汝水南春秋沈子國地

漢置縣屬汝南郡後省入汝陽

宜春城 在府城西南漢舊縣屬汝南郡晉改

曰北宜春

安成故城 在府城東南漢舊縣屬汝南郡

富波故城 在府城漢舊縣屬汝南郡王霸封
富波侯於此

陽城故城 在府城漢舊縣屬汝南郡東漢省
入汝陽

汝南廢縣 在府城唐貞元中割汝陽置縣在
汝水南元和中省入汝陽

汝墳 在府城見周南

顓天壇 在府城汝水濱魏彭城王勰建久廢

紫極宮 在府城內唐裴度建久廢

柴潭 在府城南宋遣孟珙會蒙古將侂蓋攻

蔡蓋決練江珙決柴潭即此

黃溪 在府城南水色純黃故名

錦繡溪 在府城南十里古詩有錦繡溪邊春

幾許之句

懸瓠池 在府城北唐李愬討吳元濟雪夜擊

鵝鴨以亂軍聲俗又呼為鵝鴨池

蠶淵池 在府城東北一名蟄龍池

鴻郟陂 在府城東十里陂為汝人所利賴漢

成帝時關東數水陂隘為害翟方進奏罷陂後因旱郡人歸怨之光武時汝南太守鄧晨修陂灌田千餘頃汝土以殷魚稻之饒利及他郡久廢

葛陂 在府城西南四十里即費長房投杖處東漢於此置葛陂縣後廢

鞠場 在府城西北李愬屯兵俟裴度處

栗洲 在府城西北相傳有栗堂射埠見唐薛能詩

然身臺 在府城東射橋漢平輿令張熹然身

救旱處詳見名宦

雞黍臺 在府城北三十里在漢張元伯故里

詳見人物

桃臺 在府城東六十里春日桃花盛開絢若

錦霞今廢

待月臺 在府城西湖內宋孔武仲有百尺湖

臺蘸春綠之句

景夷臺 在府城北八里天中山左麓久廢

如何不飲臺 在府城西三十里唐裨將趙昌墓明徵士秦鎬築以宴客晉陵金鼎有詩

月旦里 在府城舊府治前漢許劭兄弟所居詳見人物

二孝莊 在府城西三十五里漢孝子蔡順董永所居

張柴村 在府城西七十里唐李愬入蔡殲元濟成卒處

燕譽堂 在府城舊府治內宋郡守吳育與劉

敞俱有賦

木鴈堂 在府城舊府治內劉敞有詩

方丈竹堂 在府城內後魏高祖幸懸瓠亭從

征沔漢侍臣於此酒酣賦詩

清風堂 在府城內明御史祝廷瑞鋤圃得銅

印鐫文汝南清風堂記後果守汝因見堂額如之

懸瓠樓 在府城北後魏平南王肅起高堞於

小城建層樓於隅阿下際水湄殊爲佳觀宋更

爲汝南樓久廢

柴潭樓 在府城南今於潭上建樓以過孟珙之師久廢

幽蘭軒 在府城舊府治內金哀宗自歸德奔汝寧以府治爲行宮築軒其中久廢

牡丹亭 在府城舊府治東園郡守吳育建劉敞詩有輕黃金綴縷凝碧玉鐫瓶之句

奇生亭 在府城舊府治東園吳育建取夏侯湛賦羨石榴奇生之句以名

來瑞亭 在府城宋劉敞守蔡州有白雀巢於廡下作賦記之因建茲亭久廢

翠光亭 在府城西湖內宋孔武仲詩有亭下湖光凝不流之句久廢

水鑿亭 在府城東北蠶淵池上本名芷亭宋劉敞更其名久廢

坐嘯亭 在府城舊府治內明太守徐中行有詩今廢

王粲宅 在府城內閭巷口西有古井名王粲

井魏王粲常寓於此

陳堯叟宅 在府城汝陽縣治東北

平淮西碑 在府城唐韓愈撰文多歸功裴度

李愬之妻乃唐安公主女也訴碑不實憲宗怒

詔毀其碑更命段文昌為之宋知州陳珣磨去

段文仍刻韓文於晉公廟中後廟碑俱燬於兵

明正德十五年知府馮志重刻韓文立碑於鵝

鴨池後移天中書院內

各州縣

蔡國舊城 在上蔡縣城西周圍二十五里

臨汝廢縣 在上蔡縣後魏置北齊罷

武津故城 在上蔡縣汝陽界

固牆古城 在上蔡縣東北八十里即古互鄉

明睢陳副使張鵬翀改名潔己鄉

晉王城 在上蔡縣城東北八十里內有晉王

井井水深綠相傳晉王李克用屯兵處

八卦臺 在上蔡縣城東三十里伏羲畫卦處

著臺 在上蔡縣南三里許有碑漢蔡邕書

厄臺 在上蔡縣東北卽孔子絕糧處

曬書臺 在上蔡縣北三十里相傳孔子遇雨

曬書處

高皇臺 在上蔡縣東北相傳漢高祖築

光武臺 在上蔡縣東北臺下有井名光武井

漆雕開故里 在上蔡縣城南

李斯故宅 在上蔡縣西南中有井名李斯井

翟廷尉故里 在上蔡縣城東

翫花樓 在上蔡縣城西三里今廢

鮑陽故城 在新蔡縣前漢書地理志應劭曰

在鮑水之陽後漢末平元年封陰慶爲鮑陽侯
於此

官津 在新蔡縣南十里魯昭公二十年孔子

自楚及蔡問津之處

楚武王戍 在新蔡縣東七十里鮑陽城齊豫

州刺史裴叔業侵魏楚王戍卽此蓋因其地有

楚王墓魏於此置戍故稱楚王戍

四望城 在新蔡縣東二十五里魏書云新蔡

郡治有四望城俗傳項羽屯兵處

鐵丘臺 在新蔡縣西南五十里上有漢光武廟世傳光武駐馬於此

酒池 在新蔡縣鮑陽城內萬曆時居民鑿井得磚屋方廣如池有石額題游息書屋四字其額先在居民馬氏家此卽畢吏部酒池也傍立碑記後居民碎石燒灰無復存者

大呂亭 在新蔡縣東北隅唐堯時呂侯之亭今僅存土基

櫟亭 在新蔡縣北二十里野櫟店左傳昭公四年吳伐楚入櫟卽此

西平故城 在西平縣西北隅遺址半存

冶爐城 在西平縣西七十五里戰國韓王造劍處晉於此置鐵官令別領尸城址猶存

狄城 在西平縣俗傳爲宋將軍狄青屯兵處棠谿 在西平縣冶爐城傍上有龍泉水匯爲谿以淬刀劍特爲堅利蘇秦說韓王謂劍戟出於棠谿鹽鐵論云有棠谿之劍卽此

赧王陂 在西平縣相傳周赧王建城於此今

遺址猶存每遇陰霧土人遙望之城郭宛然

僊女池 在新蔡縣東八里相傳董永遇僊女

於此

鄧艾陂 在新蔡縣艾所置陂凡二十四處今

皆廢

柏亭 在新蔡縣城西卽柏子國故址

吳房城 卽遂平縣城見沿革

文城 在遂平縣西南五十里元濟將吳秀琳

據文城柵李愬先攻克之遂入蔡

鳳凰臺 在遂平縣西南高丈許相傳唐時有

鳳止其上

狗塚 在遂平縣城東北三十里昔有人蓄一

犬每行則隨之冬月飲酒沉醉臥於草地野燒

將及身犬展水濕草火不能害及寤犬已死矣

以土封之遂成塚

道城 在確山縣北二十里卽春秋時道國之

地

朗陵故城 在確山縣西南三十五里晉封何曾為朗陵公即此

四望城 在確山縣東南後魏王肅築之以禦梁

征羌故城 在確山縣東漢所置縣

高皇臺 在確山縣東南四十里

慎陽廢縣 在真陽縣北四十里漢所置縣

建安城 在真陽縣南五十里莫考所建今城

池遺址尚存

臨淮城 在真陽縣南八十里朱家店即其故

址

固城 在真陽縣東北七十里漢建

白狗城 在真陽縣東南梁為白狗堆戍兵於

此時稱重鎮

晾馬臺 在真陽縣東七十里臺上有古井臺

下有蓮花池

黃憲故宅 在真陽縣舊縣治明孫繼臯有碑

記今廢

古黃國 在光州一統志云在定城廢縣西一十二里

弋陽城 在光州地形志云弋陽在定城縣卽今州南城

滑城 在光州城西北十五里世傳爲光之舊城

東龍門 在光州城西南二十里

西龍門 在光州城西南一百二十里

弋陽臺 在光州城西二里

霸王臺 在光州城東四十里

鎮淮樓 在光州潢橋門上宋建今廢

籌邊樓 在光州城上宋建今廢

愚閣 在光州學東南圃內宋盛度建今廢

石田山房 在光州馬祖常少時服田所居自

爲記與圖

小圃 在光州亦馬祖常所築有記

凌室 在光州城北門外張明復有記

歸鴈亭 在光州西滑城內宋歐陽修有詩

雲坳亭 在光州城南

春申君宅 卽今光州治按史記楚封黃歇春

申君賜淮北地十二縣故有宅在此又州東三

里河北有春申君丹爐

漆井 在光州治後純漆壘成極清徹世傳爲

春申君宅中井至今不堙

茹由故城 在光山縣南六十里晉所置縣

黃川故城 在光山縣舊爲縣梁

仙居廢縣 在光山縣本梁宋安縣隋廢唐初

復置改名仙居

西陽廢縣 在光山縣西二十里漢置屬江夏

郡晉爲弋陽郡治

天子城 在光山縣東十里城臨官渡河漢光

武夜過屯兵於此故名

臥龍臺 在光山縣西龍臺里上有龍池禱雨

輒應

讀書堂 在光山縣南四十里淨居山宋蘇軾

謫黃州嘗寓此遺址尚存

釣魚臺 在光山縣南龍山雙河口

煙木堂 在光山縣治西宋張徹有詩

元狀元龔友福故宅 在光山縣東門外

司馬井 在光山縣學內以宋司馬光生此因

名上有亭

天塘坂 在光山縣元馬祖常有詩

蓼城 在固始縣東北

期思城 在固始縣西北七十里漢封賁赫為

期思侯於此

澮州城 在固始縣北後周置

寢丘 在固始縣史記滑稽傳註即今固始縣

地為孫叔敖子僑之封邑前有妬谷後有戾丘

蓼潭 在固始縣漢志蓼潭在決澮之間宋劉

勔擊龐孟蚪於此

張果潭 在固始縣西棗林岡古城下

金波池 在固始縣東城下世傳漢王追項羽

至此飲馬

白龍池 在固始縣大山上時有蜃氣成人馬

樓臺狀禱雨輒應

霸王臺 在固始縣西九里世傳項羽與漢高祖相拒築此遺址尚存

會景閣 在固始縣僊居鎮內宋建今廢

漆井 在固始縣前世傳漢高祖追項羽至此駐兵因水有滷用漆布之使不通讎見一統志

古息國 在息縣西南十五里

安陽故城 在息縣西南十里漢所置縣

白公城 在息縣西南七里內有楚太子建廟

褒信廢縣 在息縣東北七十里卽褒信鎮

長陵舊縣 在息縣東北八十里

翫花樓 在息縣春秋時息侯所建基址尚存

廣豐亭 在息縣東廣豐坡內宋治平四年都

官員外郎張公建

珉玉坑 在息縣西北舊出珉玉其色潔白堪爲器隋時置官採之唐時爲淮水所沒唐開元中淮水東移坑重出今復沒於淮

殷城廢縣 在商城縣西劉宋置褒信縣隋改

曰殷城

裏羅城 在商城縣東南三十里元末余思銘築以避兵遺址尚存

聖人潭 在商城縣南三十里

僊潭 在商城縣仙潭里上有仙人跡

龍潭 在商城縣北三十里深十餘丈上有石佛寺歲旱禱雨輒應

飲馬池 在商城縣十里許土人相傳項羽嘗飲馬於此

釣魚臺 在商城縣南六十里有石屹立于潭上世傳仙人釣魚於此

插劍石 在商城縣懸劍山頂有劍插石可動不可出

蘇仙石 在商城縣琉璃河中其上有仙人坐臥跡

謝城 在信陽州西北六十里淮河北瀕河西北方輿勝覽云申伯所封之地有碑

武城 在信陽州東北二十五里春秋時武城

黑所治

蔡母城 在信陽州北漢志南陽郡有蔡陽縣

註云王莽之母功顯君封邑

楚王城 在信陽州北六十里即楚王破申行

師北侵所築畊者猶每拾得兵刃盤匱云

安昌城 在信陽州西七十里漢置縣屬汝南

郡張禹封安昌侯即此

曹城 在信陽州南三十里曹景宗屯兵鑿峴

口時所築今名曹店

淮源城 在信陽州西北六十五里北齊置郡

隋廢郡改曰淮源縣

烏壘城 在信陽州北六十五里十道四番志

申州有此城今無考

廢南羅州 在信陽州南十里本漢郟縣地梁

置西汝南郡隋省唐置南羅州尋廢

鍾武廢縣 在信陽州西南漢置屬江夏郡城

宮狗鍾武竹里皆下之即此

鍾山廢縣 在信陽州東南十八里本漢郟縣

地北齊改置齊安縣及郡隋改曰鍾山縣宋省入信陽

大子城 在信陽州與楚王城相去四里許門垣墓址兩城俱存中可容萬人

櫟城 在信陽州北五十里南齊書建武二年魏寇司州之櫟城城主魏僧珉拒破之即長臺關

伐鼓臺 在信陽州城北長臺鄉左傳昭公四年楚與諸侯淮夷伐鼓會於申後人於此建臺

申伯臺 在信陽州東北世傳申伯所築

古申伯國碑 在信陽州城北二十里唐顏魯

公書明嘉靖中知府潘子正立名

梁王壘 在信陽州賢首山史載北魏攻義陽

梁蕭衍據賢首山以救即此

咸喜堂 在信陽州舊州治東取詩周邦咸喜之義

三秀堂 在信陽州舊州治東城上舊名牧牛

軒宋宣和中杏上產芝勅為改名

碧翠堂 在信陽州舊州治內

環碧堂 在信陽州舊州治內宋建

柔惠堂 在信陽州舊州治內取詩柔惠且直

之義

白雪樓 在信陽州舊州治於城東北宋建

相公園 在信陽州舊州治後宋范純仁爲守

日創此園種花本爲燕游勝地後人因以相公

名之

月兒灣 在信陽州北九十里宋范純仁行部

過此駐馬泣曰昔吾母夢兒墮自月中承以衣
裾感而生純仁是以泣

僕僕塘 在信陽州東門外唐武德時僕僕道

人曾結廬其間後昇僊今訛云婆婆塘

白雪驛 在信陽州東門外鄭文寶過此題詩

野公亭 在信陽州放生池上

扳倒井 在信陽州城南其水欹出若扳倒然

者

雙井 在信陽州城北相去十步而泉通

寫字石 在信陽州天目山三石承一巨石中
虛幾二尺仰見字云自是神僊一洞天碧雲深
處閉天關土人呼為寫字石

郟城 在羅山縣九里關南漢置石基尚存

高安城 在羅山縣西南一百里北齊置尚有

碑存

霸王城 在羅山縣西南五十里相傳項羽伐

秦過此因築北城故名每雨後山溪中往往得

銅簇數十百枚

金牛城 在羅山縣大勝關西

釣魚臺 在羅山縣西北二十里世傳孟嘉垂

釣處

石門 有二在羅山縣西南八十里曰小石門

又十里曰大石門乃兩山之峽其形類門方輿

勝覽云二門皆鑿鳥道以通往來南通荆楚守

隘之地也世傳子路宿於石門即此

問津處 在羅山縣子路山北

桀溺坂 在羅山縣問津處之北相傳桀溺舊

居於此

鎮西將軍石

在羅山縣西南七十里齊蔡道

恭贈

白公勝宅

即羅山縣城內白勝寺相傳為楚

白公勝別業

鵲山亭

在羅山縣城南鵲山下宋曾鞏有詩

司馬亭

在羅山縣東獨山下宋司馬池嘗憩

於此後人思之因為作亭

陵墓附

申伯塚

在信陽州境謝城即申伯封邑今有

二塚相傳以為申伯塚

李斯墓

在上蔡縣西南二十里宋劉敞詩二

世三公何足論憶牽黃犬出東門天人忌滿由

來事枉恃沙丘有舊恩

翟方進墓

在汝陽縣界內劉敞詩持法雖深

上不疑蕭疎何事觸刑機主恩未改天心改使

者空乘白馬歸

袁安墓

在府城東

劉伶墓 在光州北傍有井伶晉七賢中人相傳死葬此又衛輝府亦有伶墓

司馬池墓 在光山縣西南
元中丞馬祖常墓 在光州西四十里

孝女墓 在光山縣東世傳唐氏女負土葬父故名

欽定古今圖書集成方輿彙編職方典

第四百七十六卷目錄

汝寧府部藝文一

汝穎士優劣論

漢孔融

風俗通序

應劭

孫叔敖碑文

王廷壽

平淮西碑

唐韓愈

平淮蔡碑文

段文昌

知蔡州謝表

宋歐陽修

蔡州再致仕表

前人

折變當隨土地之宜論

劉敞

司馬溫公神道碑記

蘇軾

告狄梁公文

秦觀

告李太尉文

前人

汝水漲溢記

前人

汝陽祖氏先塋芝記

前人

上蔡先生祠堂記

朱熹

廣豐陂記

黃降

重修文廟記

趙日升

司馬溫公廟碑記

葉裕之

孔子新廟碑記

元馬祖常

石田山房記

前人

涑水書院記

王緯

職方典第四百七十六卷

汝寧府部藝文一

汝穎士優劣論

漢孔融

融以汝南士勝穎川士陳長文難融答之曰汝南戴子高親止千乘萬騎與光武皇帝共於道中穎川士雖抗志未有頡頏天子者也汝南許子伯與其友人共說世俗將壞因夜舉聲號哭穎川雖憂時未有能哭世者也汝南府許掾教太守鄧晨圖開稻陂數萬頃累世獲其功夜有火光之瑞韓元長雖好地理未

有成功見效如許掾者也汝南張元伯身死之後見
夢范巨卿潁川士雖有奇異未有能神而靈者也汝
南應世叔讀書五行俱下潁川士雖多聰明未有能
離婁竝照者也汝南李洪爲太尉掾弟殺人當死洪
自劾詣闕乞代弟命便飲酖而死弟用得全潁川士
雖尚節義未有能殺身成仁如洪者也汝南翟子威
爲東郡太守始舉義兵以討王莽潁川士雖疾惡未
有能破家爲國者也汝南袁公著爲甲科郎上書欲
治梁冀潁川士雖慕忠讜未有能投命直言者也

風俗通序

應劭

昔仲尼沒而微言闕七十子喪而大義乖重遭戰國
約從連衡好惡殊心真僞紛爭故春秋分爲五詩分
爲四易有數家之傳竝以諸子百家之言紛然散亂
莫知所從漢興儒者競復比誼會意爲之章句家有
五六皆析文便辭彌以馳遠綴文之士雜襲龍鱗訓
注說難轉相陵高積如丘山可謂繁富者矣而至於
俗間行語衆所共傳積非習貫莫能原察今玉室大
壞九州幅裂亂靡有定民生無幾私懼後進益以迷

古今圖書集成
昧聊以不才舉爾所知方以類聚凡一十卷謂之風俗通義言通於流俗之過謬而事該之於義理也風者天氣有寒煖地形有險易水泉有美惡草木有剛柔也俗者含血之類像之而生故言語歌謳異聲鼓舞動作殊形或直或邪或善或淫也聖人作而均齊之咸歸於正聖人廢則還其本俗尚書天子巡狩至於岱宗觀諸侯見百年命太史陳詩以觀民風俗孝經曰移風易俗莫善於樂傳曰百里不同風千里不同俗戶異政人殊服由此言之爲政之要辨風正俗

最其上也周秦嘗以八月歲遣輜軒之使求異代方言還奏籍之藏於祕室及嬴氏之亾遺脫漏棄無見之者蜀人嚴君平有千餘言林閭翁孺子有梗概之法揚雄好之天下孝廉衛卒交會周章質問以次注續二十七年爾乃治正凡九千字其所發明猶未若爾雅之宏麗也張竦以爲懸諸日月不刊之書余實頑闇無能述演豈敢比隆於斯人哉顧惟述作之功故聊光啓之耳昔爲齊王畫者王問畫孰最難最易曰犬馬最難鬼魅最易犬馬旦暮在人之前不類不

古今圖書集成
可類之故難鬼魅無形無形者不見故易今俗語雖云浮淺然賢愚所共咨論有似犬馬其爲難矣併綜事宜於今者孔子稱幸苟有過人必知之俾諸明哲幸詳覽焉

孫叔敖碑文

王廷壽

楚相孫君諱饒字叔敖本吳縣人也六國時期思屬楚楚都南郢南郢卽南郡江陵縣也君受純靈之精懷絕世之才有大賢次賢之質少見枝首蛇歸告母泣曰吾將死矣母詰其故曰吾聞見枝首蛇者死吾

今見之母曰蛇安在矣曰恐後人見殺而埋之母曰若無憂焉其陰德元善遂爲父母九族所異及其爲相布政以道考天相之度敬授民時聚藏於山菹物於藪宣道川谷陂障源泉溉灌沃澤堤防湖浦以爲池沼鍾天地之美收九澤之利以殷潤國家家富人喜優贍樂業式序在朝野無螟蟻豐年繁庶人有曾閔貞孝之行四民美好從容中節高梱改幣一朝而化其憂國忘私乘馬三千不別牝牡繼高陽重黎伍舉子文之統其忠信廉勇禮樂文章軌儀同制其富

古今圖書集成
國充民明天時盡地力庭堅禹稷不能逾也專國權
寵而不榮華一旦可得百金至於沒齒而無分銖之
蓄破玉玦不以寶財遺子孫終始若矢去不善如絕
弦辟患害於無形徹節高義敦良奇介自曹臧孤竹
吳札子罕之倫不能驟也生於季末任於靈王立溷
濁而澄清處幽暗而昭明其遺武餘典恨不與羲皇
帝代同世世爲列姬國在朝廷其意常墨墨若冠章
甫而坐塗炭也病甚臨卒將無棺槨令其子曰優孟
會許千金貸吾孟故楚之樂長與相君相善雖言千

金實不貸也卒後數年莊王置酒爲樂優孟乃言孫
君相楚之功卽慷慨高歌曲曰貪吏而可爲而不可
爲廉吏而可爲而不可爲貪吏而不可爲者當時有
污名而可爲者子孫以家成廉吏而可爲者當時有
清名而不可爲者子孫困窮披褐而賣薪貪吏常苦
富廉吏常苦貧獨不見楚相孫叔敖廉潔不受錢涕
泣數行若投首王王心感動覺悟問孟孟具對卽求
其子而封焉子辭父有命如楚不忘臣社稷圖而
欲有賞必如潘國下濕堯堉人所不貪遂封潘鄉卽

古今圖書集成
固始也三九無嗣國絕祀廢固始令段君夢見孫君則存其後就其故祠爲架廟屋立石銘碑春秋蒸嘗明神報祚卽歲遷長棧太守及期思縣宰段君諱光字世賢魏郡鄴人庶慕先賢體德允恭篤古遵舊奉履憲章欽翼天道五典興通攷籍祭祀祇肅神明臨縣一載志在惠康葬枯粟乏愛育黎蒸討掃醜類饒寡是矜杜僞養善顯忠表仁感想孫君乃發嘉訓興祀立壇克勤愛敬念意自然刻石銘碑千載表績萬古標記福祐期思縣興士熾孫氏蒙恩漢延熹三年

五月二十八日立葛臣曰是碑出古文苑惜不載述碑人姓名考左傳爲艾獵孫叔敖也此云孫君諱饒未知何據蓋賈孫叔敖之父與子文同時伍舉椒舉也靈王同時在孫叔敖後此云繼統未詳長棧卽張掖

平淮西碑

唐韓愈

天以唐克肖其德聖子神孫繼繼承承於千萬年敬戒不怠全付所覆四海九州罔有內外悉主悉臣高祖太宗旣除旣治高宗中睿休養生息至於元宗受

古今圖書集成
報收功極熾而豐物衆地大孽芽其間肅宗代宗德
祖順考以勤以容大慝適去稂莠不薶相臣將臣文
恬武嬉習熟見聞以爲當然睿聖文武皇帝旣受羣
臣朝乃考圖數貢曰嗚呼天旣全付予有家今傳次
在予予不能事事其何以見於郊廟羣臣震懾奔走
率職明年平夏又明年平蜀又明年平江東又明年
平澤潞遂定易定致魏博貝衛澶相無不從志皇帝
曰不可究武予其少息九年蔡將死蔡人立其子元
濟以請不許遂燒舞陽犯葉襄城以動東都放兵四

劫皇帝歷問於朝一二臣列皆曰蔡帥之不廷授於
今五十年傳三姓四將其樹本堅兵利卒頑不與他
等因撫而有順且無事大官臆決唱聲萬口和附并
爲一談牢不可破皇帝曰惟天惟祖宗所以付任予
者庶其在此予何敢不力况一二臣同不爲無助曰
光顏汝爲陳許帥維是河東魏博郟陽三軍之在行
者汝皆將之曰重引汝故有河陽懷今益以汝維是
朔方義成陝益鳳翔延慶七軍之在行者汝皆將之
曰弘汝以卒萬二千屬而子公武往討之曰文通汝

守壽維是宣武淮南宣歙浙西四軍之行於壽者皆將之曰道古汝其觀察鄂岳曰愬汝帥唐鄧遂各以其兵進戰曰度汝長御史其往視師曰度惟汝予同汝遂相予以賞罰用命不用命曰弘汝其以節都統諸軍曰守謙汝出入左右汝惟近臣其往撫師曰度汝其往衣服飲食予士無寒無饑以旣厥事遂生蔡人賜汝節鉞通天御帶衛卒三百凡茲廷臣汝擇自從惟其賢能無憚大吏庚申予其臨門送汝曰御史予閔士大夫戰甚苦自今以往非郊廟祠祀其無用

樂顏引武合攻其北大戰十六得柵城縣二十三降人卒四萬道古攻其東南八戰降萬三千再入申破其外城文通戰其東十餘遇降萬二千愬入其西得賊將輒釋不殺用其策戰皆有功十二年八月丞相度至師都統弘責戰益急顏引武合戰益用命元濟盡并其衆洄曲以備十月壬申愬用所得賊將自文城因天大雪疾馳百二十里用夜半到蔡破其門取元濟以獻盡得其屬人卒辛巳丞相度入蔡以皇帝命赦其人淮西平大饗賚功師還之日因以其食賜

古今圖書集成
蔡人凡蔡卒三萬五千其不樂爲兵願歸爲農者十
九悉縱之斬元濟京師用功弘加侍中愨爲左僕射
帥山南東道顏引皆加司空公武以散騎常侍帥鄜
坊丹延道古進大夫文通加散騎常侍丞相度朝京
師道封晉國公進階金紫光祿大夫以舊官相而以
其副總爲工部尚書領蔡任旣還奏羣臣請紀聖功
被之金石皇帝以命臣愈臣愈再拜稽首而獻文曰
唐承天命遂臣萬方孰居近土襲盜以狂往在元宗
崇極而圯河北悍驕河南附起四聖不宥屢興師征

有不能尅益戍以兵夫耕不食婦織不裳輸之以車
爲卒賜糧外多失朝曠不嶽狩百隸怠官事亡其舊
帝時繼位顧瞻咨嗟惟汝文武孰恤予家旣斬吳蜀
旋取山東魏將首義六州降從淮蔡不順自以爲強
提兵叫讙欲事故常始命討之遂連姦鄰陰遣刺客
來賊相臣方戰未利內驚京師羣公上言莫若惠來
帝爲不聞與神爲謀乃相同德以訖天誅乃勅顏引
愨武古通咸統於弘各奏汝功三方分攻五萬其師
大軍北乘厥數倍之常兵時曲軍士蠢蠢旣剪陵雲

古今圖書集成
蔡卒大窘勝之郃陵郾城來降自夏入秋復屯相望
兵頓不勵告功不時帝哀征夫命相往釐士飽而歌
馬騰於槽試之新城賊遇敗逃盡抽其有聚以防我
西師躍入道無畱者額額蔡城其疆千里既入而有
莫不順俟帝有恩言相度來宣誅止其魁釋其下人
蔡之卒夫投甲呼舞蔡之婦女迎門笑語蔡人告饑
船粟往哺蔡人告寒賜以繒布始時蔡人禁不往來
今相從戲里門夜開始時蔡人進戰退戮今盱而起
左餐右粥爲之擇人以收餘憊選吏賜牛教而不稅

蔡人有言始迷不知今乃大覺羞前之爲蔡人有言
天子明聖不順族誅順保性命汝不吾信視此蔡方
孰爲不順往斧其吭凡叛有數聲勢相倚吾強不支
汝弱奚恃其告而長而父而兄奔走偕來同我太平
淮蔡爲亂天子伐之既伐而饑天子活之始議伐蔡
卿士莫隨既伐四年小大並疑不赦不疑由天子明
凡此蔡功惟斷乃成既定淮蔡四譯畢來遂開明堂
坐以治之

平淮蔡碑文

段文昌

日者惠琳恃近逃之固劉闢憑坤維之險李錡保長江之衝從史資太行之阻四兇相扇繼爲亂常三數年間盡膏鐵鎖太尉茂昭以中山之地盡室來朝司空弘正以全魏之邦舉宗向闕義風所激莫不歸心况彭城從折簡之名橫海展執珪之覲向談虞虢之存亡議輔車之形勢莫不刳心斷臂繼踵爲忠旣而麟見於巴賚之間河清於鄘衛之際固同本之貺昭聖祚之符廓清寰海兆於此矣而長淮右地連山四起控扼吳楚密邇轅轅有上帝濯龍之池同冀方多

馬之國戈鋌雪照駟駿雲屯二姓三兇憑阻作孽歲在甲午吳少誠積禍而斃餘殃聚於逆嗣氛祲淮濱我后方弔人省冤墾災除穢猶命使者持節往申寵賻以柔服之義示含弘之仁元濟劫衆拒境滔天肆逆剽葉縣燒舞陽侵襄城伊洛之間騷然震恐乃詢廷議咸願假以墨經授以兵符天子於是會臯藻之師得鷹揚之帥以中軍帥李光顏往者平朔邊靜庸蜀雙矛電激孤劍颯馳亦猶馮異之總軍鋒子顏之將突騎才氣雄武可掃欃槍總魏博河陽邵陽凡三

軍自臨潁而前以河陽軍帥烏重引當從史內詘邪
謀外阻兵勢精誠奮發獨應王師故得擒魏豹於軍
中縛呂布於麾下識慮中正可革梟音以汝海之地
總朔方義成陝虢劍南西川鳳翔延州寧慶凡七軍
由襄陽而進宣武帥韓弘靖以子公武領精卒一萬
三千時集洄曲樂書作帥鉞爲戎右充國討羌印統
支軍是能從帥之命成父之志又以壽春守李文通
夙精戎韜累習軍旅明於守備可保金湯總宣武淮
南宣歙浙西徐泗凡五軍阨固始之險以鄂岳都團

練使李道古以先曹王臯有任城之武昔征兇渠嘗
取安陸授以戎柄嗣其家聲乘五關之隘以唐鄧隨
帥李愬溫敏能斷靜深有謀山南東道荆南凡兩軍
自文城而東乃命御史中丞裴度以諭羣帥以撫輿
師且以古之會兵必謀元帥令歸於一勢不欲分命
宣武軍帥韓弘爲諸道行營都統指縱畫奇正之機
發號申嚴凝之令又命內掌樞密之臣梁守謙肅將
天威盡護諸將懸白日於千里推赤心於萬人由是
甘寧奮升城之勇君文勵擊堰之志焚上蔡以剪其

翼拔郾城以阨其吭以軒后攻蚩尤之亂殷宗伐鬼
方之罪周公誅淮彝之叛雖以聖討逆皆三年後定
百辟之議且謂久勞將決其機以安海內復命丞相
裴度持淮蔡之節撫將帥之臣分鄧禹之麾旆盛寶
憲之幕府先是光顏重引公武戎旅同心壘垣齊列
發吳騎之雄紛紜縱擊逐餘孽如鳥雀獵殘寇似狐
狸干矛杖行次於洄曲丞相之來也羣帥之志氣逾
厲統制之號令益明勢如雷霆功在漏刻賊乃悉其
精騎以備洄曲之師唐隨帥李愬新總傷痍之軍稍

勵奔北之氣城孤援絕地逼勢危而能養貔虎之威
未嘗攫視屈鷙鳥之勢不使怒形是以收文成柵而
降吳秀琳下興橋而擒李祐祐果敢多略衆以留之
或謂蓄患不利吾軍愬誠明在躬秉性不撓爰命釋
縛授以親兵祐感慨之心出於萬死縱橫之計果效
六奇粵十月旣望陰凝雪飛天地盡閉愬乃遣其將
史旻仇良輔留鎮文城備其侵軼命李祐領突騎三
千以爲鄉導自領中軍三千與監軍使李誠義繼進
又遣其將田進誠領馬步三千以殿其後郊雲晦冥

古今圖書集成
寒可墮指一夕捲旆凌晨破關鋪敦淮濱仍執醜類
雖魏軍得田疇爲導潛出盧龍鄧艾得田章旣登長
驅綿竹用制奇勝與古爲儔四紀逋誅一朝蕩定攄
宗廟之宿憤致黎庶之又安帝命策勳進弘爲侍中
光顏重引並爲司空愬爲左僕射帥山南東道公武
加散騎常侍節制郿坊丹延道古進御史大夫文通
加散騎常侍王師獲金爵之賞環境蒙優復之恩掩
骼埋胔除瑕宥罪丞相旋請來朝後加金紫光祿大
夫封晉國公乃眷淮濱烝人生殖俾擇循吏撫其疾

傷以宣慰副使刑部侍郎馬總領淮蔡之任天子議
功雲臺追美將帥俾刻金石以揚休勳而百辟偕謀
羣帥克讓推義士之志敢貪天功徵賢臣之言實在
君德上獻鴻名式昭徽策庶乎閱周雅者美宣王之
中興觀劍銘者戒蜀川之恃險

知蔡州謝表

宋歐陽修

臣某負薪嬰疾獲辭四貴之遷剖竹分符尚忝一麾
之守荷寬恩之優假撫朽質以兢慚伏念臣本出孤
貧粗親文藝遭逢亨會叨竊寵榮方犬馬之壯時早

古今圖書集成
無施於尺寸况桑榆之晚景嗟已迫於衰遲誤被選
掄擢升要近付以一方之民政委之四路之兵機惟
寄任之非輕揣庸虛而內懼輒陳懇悃屢瀆高明敢
冀天慈不違人欲還其舊職易以近藩惟古豫之名
邦控長淮之右壤土風深厚物產豐饒雖宣化班條
慙無異術而守官循法足以偷安此蓋伏遇皇帝陛
下惻以至仁包之大度既不責其避事又曲從其便
私哀爾尪殘容其傲倖仰被乾坤之造顧非草木之
頑敢不自勵其筋骸更殫盡瘁之節苟未填於溝壑

尚知圖報之方

蔡州再致仕表

前人

臣某言臣近上表章乞從致仕伏奉詔書所乞宜不
允者睿訓丁寧曲加慰諭愚衷懇迫尚敢黷煩將再
于於冕旒宜先伏於砧鎖臣某中謝伏念臣世惟寒
陋少苦奇屯識不達於古今學僅知於章句名浮於
實用之始見於無能器小易盈過則不勝於幾覆徒
以早邁千齡之亨會誤蒙三聖之獎知寵榮既溢其
涯憂患亦隨而至稟生素弱顧身未老而先衰大道

古今圖書集成
甚夷嗟力不前而難強每念恩私之莫報兼之疾病
以交攻爰於守亳之初遂決竄漳之計逮此三遷於
歲律又更兩易於州符而犬馬已疲理無復壯田廬
甚邇今也其時是敢更殫螻蟻之誠仰冀乾坤之造
况今時不乏士物咸遂生鳧鴈去來固不爲於多少
鳶魚上下皆自適於飛潛苟遂乞於殘骸庶少償其
夙志伏望皇帝陛下哀憐舊物隱惻至仁察其有素
非僞之誠成其識分知止之節曲從其欲賜報曰俞
俾其解組官庭還車故里披裘散髮逍遙垂盡之年

鑿井耕田歌詠太平之樂其爲榮幸曷可勝陳

折變當隨土地之宜論

劉敞

臣聞聖王之處民也順其性是故居山者不使居川
居渚者不使居中原其取民也任其宜是故山虞不
以魚鼈爲賦川衡不以材木爲貢蓋順性者知天者
也任其宜者知地者也聖王之功不變天地是以其
養易足其教易成其求易供其取不匱今之時善言
政者莫不欲富民而常患奪其財者由有司取之反
其性而戾其宜於是或以穀爲金或以芻爲帛非精

古今圖書集成
也而求之不舍民是以困窮是以流亡是以盜爭朝廷豈不恤哉蓋不得已也臣以謂方今用度不足之時欲盡如古蓋亦未可且勅有司毋責魚鼈於山毋索材木於川則百姓亦庶幾矣臣非敢虛言也臣所治州十縣其五皆種種稌而有司乃使以糯與粳爲賦一不如約吏當坐之若此者上則不順於天下則不因於地中則不悅於人去聖王之功遠矣惟陛下哀憐之臣幸備執事以治民爲職詔書問可以寬民者臣切疑莫先於此夫賦稅固自古有之臣願勅諸

路轉運使必不得已而折變變其所有毋變其所無變其所可得毋變其所不可得則民庶不困矣

司馬溫公神道碑記

蘇軾

上卽位之三年朝廷清明百揆時叙民安其生風俗一變異時薄夫鄙人皆洗心易德務爲忠厚人人自重恥言人過中國無事四方稽首請命惟西羌夏人叛服不常懷毒自疑數入爲寇上命諸將按兵不戰示以形勢不數月生致大首領鬼章青宜結闕下夏人十數萬寇涇原至鎮戎城下五日無所得一夕遁

古今圖書集成
去而西羌征兀聲延以其族萬人來降黃河始決曹
村既築靈平復決小吳橫流五年朔方騷然而今歲
之秋積雨彌月河不大溢及冬水入地益深有北流
赴海復禹舊迹之勢凡上所欲不求而獲而其所惡
不麾而去天下曉然知天意與上合庶幾復見至治
之成家給人足刑措不用如咸平景德間也或以問
臣軾上與太皇太后安所設施而及此臣軾對曰在
易大有上九自天佑之吉无不利孔子曰天之所助
者順也人之所助者信也履信思乎順又以尚賢也

是以自天佑之吉无不利今二聖躬信順以先天下
而用司馬公以致天下士應是三德矣且以臣觀之
公仁人也天相之矣何以知其然也曰公以文章名
於世而以忠義自結於人主朝廷知之可也四方之
人何自知之士大夫知之可也農商走卒何自知之
中國知之可也九州八蠻何自知之方其退居於洛
眇然如顏子之在陋巷纍然如屈原之在陂澤其與
民相忘也久矣而名震天下如雷霆如河漢如家至
而日見之聞其名者雖愚無知如婦人孺子勇悍難

化如軍伍異域以至於奸邪小人雖惡其害已仇而疾之者莫不斂衽變色咨嗟太息或至於流涕也元豐之末臣自登州入朝過八州以至於京師民知其與公善也所在數千人聚而號呼於馬首曰寄謝司馬丞相慎毋去朝廷厚自愛以活百姓如是者蓋千餘里不絕至京師聞士大夫言公初入朝民擁其馬至不得行衛士見公擎跽流涕者不可勝數公懼而歸洛遼人夏人遣使入朝與吾使至塞外者必問公起居而遼人勅其邊吏曰中國相司馬矣慎毋生事開

邊隙其後公薨京師之民罷市而往弔鬻衣以致奠巷哭以過車者蓋以千萬數上命戶部侍郎趙瞻內侍省押班馮宗道護其喪歸葬瞻等既還皆言民哭公哀甚如哭其私親四方來會葬者蓋數萬人而嶺南封州父老相率致祭且作佛事以薦公者其詞尤哀炷薌於手頂以送公葬者凡百餘人而畫像以祠公者天下皆是也此豈人力也哉天相之也匹夫而能動天亦必有道矣非至誠一德其孰能使之記曰惟天下之至誠爲能盡其性能盡其性則能盡人之

古今圖書集成
性能盡人之性則能盡物之性能盡物之性則可以
贊天地之化育矣書曰惟尹躬暨湯咸有一德克享
天心又曰德惟一動罔不吉德二三動罔不凶或以
千金與人而人不喜或以一言使人而人死之者誠
與不誠故也稽天之潦不能終朝而一綫之溜可以
達石者一與不一故也誠而一古之聖人不能加毫
末於此矣而况公乎故臣論公之德至於感人心動
天地巍巍如此而蔽之以二言曰誠曰一公諱光字
君實其先河內人晉安平獻王孚之後王之裔孫征

東大將軍陽始葬今陝州夏縣涑水鄉子孫因家焉
曾祖諱政以五代衰亂不仕贈太子太保祖諱炫舉
進士試祕書省校書郎終於耀州富平縣令贈太子
太傅考諱池寶元慶曆間名臣終於兵部郎中天章
閣待制贈太師溫國公會祖妣薛氏祖妣皇甫氏妣
聶氏皆封溫國太夫人公始以進士甲科事仁宗皇
帝至天章閣待制知諫院始發大議乞立宗子爲後
以安宗廟宰相韓琦等因其言遂定大計事英宗皇
帝爲諫議大夫龍圖閣直學士論陝西刺義勇爲民

患及內侍任守忠奸蠹乞斬以謝天下守忠竟以譴死又論濮安懿王當準先朝封贈期親尊屬故事天下躉之事神宗皇帝爲翰林學士御史中丞西戎部將崑名山欲以橫山之衆降公極論其不可納後必爲邊患已而果然勸帝不受尊號遂爲萬世法及王安石爲相始行青苗助役農田水利謂之新法公首言其害以身爭之當時士大夫不附安石言新法不便者皆倚公爲重帝以公爲樞密副使公以言不行不受命乃以爲端明殿學士出知永興軍遂以留司

御史臺及提舉崇福宮退居於洛十有五年及上卽位太皇太后攝政起公爲門下侍郎遷正議大夫遂拜左僕射公首更詔書以開言路分別邪正進退其甚者十餘人旋罷保甲保馬市易及諸道新行鹽鐵茶法最後遂罷助役青苗方議取士擇守令監司以養民期於富而教之凜凜乎嚮至治矣而公臥病以元祐元年九月丙辰朔薨於位享年六十八太皇太后聞之慟上亦感涕不已時方祀明堂禮成不賀二聖皆臨其喪哭之哀甚輟視朝贈太師溫國公祔以

一品禮服諡曰文正官其親屬十人公娶張氏禮部尚書存之女封清河郡君先公卒追贈溫國夫人子三人童唐皆早亡康今爲祕書省校書郎孫二人植桓皆承奉郎以元祐二年正月辛酉葬於陝之夏縣涑水南原之晁村上以御篆表其墓道曰忠清粹德之碑而其文以命臣軾臣蓋嘗爲公行狀而端明殿學士范鎮取以志其墓矣故其詳不復再見而獨論其大槩議者徒見上與太皇太后進公之速用公之盡而不知神宗皇帝知公之深也自士庶人至於卿

大夫相與爲賓師朋友道足以相信而權不足以相休戚然猶同己則親之異己則疎之未有聞過而喜受誨而不怒者也而况於君臣之間乎方熙寧中朝廷政事與公所言無一不相違者書數十上皆盡言不諱蓋自敵己以下所不能堪而先帝安受之非特不怒而已乃欲以爲左右輔弼之臣至爲敘其所著書讀之于邇英閣不深知公而能如是乎二聖之知公也知之于既同而先帝之知公也知之於方異故臣以先帝爲難昔齊神武皇帝寢疾告其子世宗曰

古今圖書集成
侯景專制河南十四年矣諸將皆莫能敵惟慕容紹宗可以制之我故不貴留以遺汝而唐太宗亦謂高宗汝于李勣無恩我今責出之汝當授以僕射乃出勣爲壘州都督夫齊神武唐太宗雖未足以比隆先帝而紹宗與勣亦非公之流然古之人君所以爲其子孫長計遠慮者類皆如此寧其身不受知人之明而使其子專享得賢之利先帝知公如此而卒不盡用安知其意不出於此乎臣旣書其事乃拜手稽首而作詩曰於皇上帝子惠我民孰堪顧天惟聖與仁

聖子受命如堯之初神母詔之匪亟匪徐聖神無心孰左右之民自擇相我與授之其相維何太師溫公公來自西一馬二童萬人環之如渴赴泉孰不見公莫如我先二聖忘己惟公是式公亦無我惟民是度民曰樂哉旣相司馬爾賈於途我耕於野士曰時哉旣用君實我後子先時不可失公如麟鳳不鷲不搏羽毛畢朝雄狡率服爲政一年疾病半之功則多矣百年之思知公於異識公於微匪公之思神考是懷天子萬年四方來同薦於清廟神考之功

古今圖書集成
告狄梁公文

秦觀

惟公昔以盛德爲唐名臣嘗刺此州風流具存越王之禍玉石俱焚二千餘人賴公獲免宜千萬年血食茲土豫之子孫報仰何窮舊祠迫隘不稱明靈爰築新室以安貌像敢涓時日薦告於庭

告李太尉文

前人

唐之中葉盜據此方歲行四宮天誅不訖公時銜命實帥西師披此姦巢市不易肆虵豕遺種化爲平民公於蔡人厥功懋矣廟貌雖久棟宇穿頽易而新之

得是亢爽千秋萬歲公其安焉

汝水漲溢記

前人

汝南風物甚美但入夏以來水潦爲患異時道路化爲陂波汝水漲溢城堞危險濕氣薰蒸殆與吳越間不異郡人歲歲如此漢書稱汝南有鴻隙陂翟方進爲相始奏罷之郡人怨甚竊意鴻隙陂者非特灌溉之利菱芡蒲魚之饒實一郡瀦水處也夫陂旣廢水無歸宿則自然散漫爲害又水經稱汝水至汝南郡西北支左別出一支又屈而東轉南形如垂瓠故號

古今圖書集成
懸瓠城今汝水故道已亾惟存別支水潦暴降則有
泛溢之患亦其勢然也在漢時爲豫州刺史治之諸
邑皆春秋時沈江道柏之國事跡甚多暇爲作記無
文字可驗爾

汝陽祖氏先塋芝記

前人

大夫祖公無頗自西蜀使者得請以崇福祠官燕居
於蔡將還朝謂高郵秦觀曰祖氏本幽州之范陽晉
將軍逖實我遠祖其後徙深州至道間始來居蔡今
汝陽陽安鄉十里岡之原則我先府君之墓也元豐

初有芝數十本產于塋中其後歲歲有之迨今不絕
夫豈一氣之運偶然感發莫詰其所以然耶抑天時
人事之際或有以致之也予其爲我記之觀曰草之
有芝猶鳥之有鳳獸之有麟從古相傳以爲瑞物今
乃歲生於先塋之中者殆汝南和氣之應祖氏方大
之祥其非偶然決也何以明之汝南在漢爲佳郡陳
蕃黃憲二許諸袁之徒實皆郡人俗尚風節輕勢利
士不守道則妻妾恥之故天下號汝南爲民氏之區
迨唐之世始建彰義節度使屯宿重兵而李希烈吳

元濟秦宗權之屬盜有其地王澤不流民眈無知父以弄兵詔子兄以殺人誨弟故天下號淮西爲盜賊之數皇宋受命定都大梁蔡去京師七驛遂爲輔郡百餘年間良二千石接武而至興學校修貢舉以宣布教化故盛德篤行魁奇俊偉之士相繼出焉蓋唐之舊俗浸微而漢之遺風復起當此之時祖氏一門顯者數人府君之仲弟士衡掌誥掖垣從子無擇通籍內閣大夫踐更中外爲省名郎行且登用諸子森然多有植立其慶未艾也由是言之芝爲汝南和氣

之應祖氏方大之祥豈不信然昔新豐市李興廬于父之墓左有紫芝白芝二本生於墓上柳宗元以爲孝德神化陰中其心克致斯事矧今芝出於股肱之郡侍從之家也宜得一時文學之士比物屬詞歸美於上度爲樂歌薦之郊廟追配元封齋房之篇觀也何足以與此姑承大夫之命論次其事以備作者採擇而已府君諱士龍字德讓元祐八年記

上蔡先生祠堂記

朱熹

先生爲人英果明決強力不倦克己復禮日有課程

古今圖書集成
如以生意論仁以實理論誠以常惺惺論敬以求是
論窮理其命意皆精當而直指窮理居敬爲入德之
門則又最得明道教人之綱領常宰德安府之應城
胡文定以典學使者行部過之不敢問以職事顧因
介紹請以弟子禮見入門見吏卒植立庭中如土木
偶人肅然起敬遂稟學焉其同時及門之士亦皆稱
其言論閎肆善啓發人今讀其書尚可想見也熹自
少時妄意爲學卽賴先生之言以發其趣而平生所
聞先生行事又皆高邁卓絕使人興起凜然常懼其

一旦泯滅而無傳也是爲記

廣豐陂記

黃降

廣豐陂故青陂也大中祥符四年始廢五十有九年
而後今知縣事都官員外郎張公復興之治平四年
冬十月公始至則問民疾苦指圖數籍曰邑雖褊小
長淮浸其南汝水環其東田于其間者皆良陂大澤
沃壤廣野所謂財府也今其居民鮮少而樂歲不免
憂戚奚使然哉無蓄泄之方而勞苦者未蒙其利也
乃詢耆老得所謂青陂者歲月久而民田其中公以

古今圖書集成
陂之四旁地沃而可耕高而可積水者捐以予民而易其故地凡百五十二頃於是民咸樂事而爭効力焉越二年春堤成因閘河之水塞而潴之坎其東爲渠以灌溉門其南以疏洩凡爲陂者三十有八變榛莽而爲稻梁自縣城達汝淮南則先足暘則後乾潦則後溢皆公之潤澤近感而久思者公於是樂陂之成而亭其上方春出入勞來與夫政事之暇則往而息游焉民咸懷德愛公願刻石以志名其陂曰廣豐陂亭曰廣豐亭而屬予爲文予聞之古之爲政欲久

寧者必暫費欲未逸者必一勞今公不然然其區畫經營不令而民自勸易害爲利轉虛爲盈而公家卒無一備束薪之費可謂因民利而利之者也是可記也

重修文廟記

趙日升

延祐七年春聖御龍飛詔頒天下首以厚民興化爲先賓興如制文治一新四方士庶雷動鼓舞孰不聞風而興起焉蓋三代仁政之本始於農業成於學校是以國有學遂有庠黨有序家有塾教行化美民性

漸摩日趨于善孝弟忠信由此而出焉禮樂制度由此而興焉今聖天子繼承丕祚深明三代致治之原故勸之以厚民勉之以興化蓋欲富之而教之使家焉而親其親官焉而民其民國焉而君其君微學校風化疇克及此確陵古邑宣聖廟宇廢而復興者有年矣然而大哉聖人之道運行日月明也人皆見之高也人皆仰之邑士大夫朔望奠謁仰視棟宇風雨空穿椽桷蕞殘罔不動念余典教是邦敬孰爲大皇皇汲汲行邁有請維東作孔殷力弗之逮一日令尹

沛陽張公道明謂判簿奉高趙公正卿曰敦勸學校我輩職也矧今勸學興化政欲作新且農隙及時乃斷乃度乃劉乃艘厥瓦惟銅厥甃惟堊厥柱惟石貫雖仍舊咸與維新幕賓劉公仲淵協贊於成工善吏勤朝夕弗輟士民樂從不擾而集時監縣魯公出郊勸農及其反也踴躍欣羨維尹與簿重政於學百工居肆亟成其事歲寒凝沍功弗輟明年春簿以憂制言旋今尹公竭力命工甃瓦粉墁簷楹翬飛螭蟠鳳翥巍巍乎莫之名也輪奐落成一時卿士大夫舉觴

古今圖書集成
相慶贊於公曰石有玉而山潤舍玉人而奚琢淵有珠而川輝舍鮫人而孰採邑有學而民秀舍賢宰而誰興今廟貌尊嚴矣俾後之來者謁聖容而知聖道知聖道而知公之崇聖道而育英才也豈曰小補哉是爲記

司馬溫公廟碑記

葉裕之

故太師文正司馬公生光山實天禧三年十月十八日其祠於郡不知何歲月或云自嘉祐蓋公之名德不獨重於熙豐元祐其在神宗之時固已如日星之

昭垂矣中興祠凡屢易紹興壬子始建於郡東堂水心爲之記慶元己未又移於郡學講堂之西序朔望邦侯率僚吏諸生致敬春秋有事學宮與從祀等然以其在堂序也三歲試士移徙再三而像亦往往非公之舊矣吳郡何侯爲守乃闢祠宇稍令崇深復求畫像於公之曾孫倉部郎中述之家仲夏己酉行釋菜禮奉公新廟以示瞻思焉夫公之履道迪德用舍重輕水心旣詳論之而明謨贊道化誠心貫宇宙三代以下無幾矣行可一鄉名傳一時回亦鮮矣若夫

古今圖書集成
自一身而達於朝廷自朝廷而推於天下自中國而及於九彝八蠻人無異詞士有定論雖以私意指摘疵毀而道德之實終於不可掩沒百世之下卽生育之地尸祝而俎豆之非甚盛德孰能與於此何侯爲郡不獨考協典禮尊尚先賢而喜直惡佞摧奸護善一言之出斷斷可覆一令之行期其可久理財不侵下敷政必自上昭揭公事非其有槩于中不能若是拳拳也昔蘇公疑韓公歿必不眷戀於朝遂爲君蒿悽愴之論君蒿悽愴固也詩曰鳧鷖在涇公尸來燕

來寧裕之嘗因是詩悟中庸之旨曰微之顯誠之不
可掩慈湖夫子嘆曰千載不傳之妙也夫子歿絕齒
不敢道者五年於茲侯亦夫子之門人也因公之祠
乃復誦之侯又刊公傳家集且表廢田給祠費嘗以
歲十月修生初之祀云侯名元壽紹定三年八月記
孔子新廟碑記
元馬祖常

光州新作孔子廟以圖來徵文於州人馬祖常曰爾
先子爲政於此州州有學以教人有田以養士有廟
以事先聖先師矣今又圯不治廟四出無垣登降無

古今圖書集成
階肖像之設不尊五采之服不彰妥靈之位不嚴配
侑之序不飭室屋樽櫨周廡重門及籩豆禮器之類
取具假借歲春秋釋奠官及屬師及弟子致齋無次
某等一二人辱守茲土割其稍入入民之錢粟筏木
陶瓦木材陶良以錢鳩工以粟傭力丹漆黝堊金銀
施色之物皆集作於天曆二年七月九日成於至順
元年八月十有八日凡廟位象設稱乎南面而爲王
者之居昔之不治者今皆治矣昔之無有者今皆有
之矣爾先子爲政於此州而又以文名於時爾宜爲

文告來者庶謹之而無毀也祖常三爲典禮之官習
於先王之禮而學於聖人之徒陳跡往轍不敢煩州
人之聽獨以我朝有道之世告吾州人始憲宗皇帝
都和寧遣國子二十人就學今都之南城孔子廟旁
旨意訓誨刻載廟中世祖皇帝潛王邸召學士王鶚
因幄中設主陳俎豆觀祭孔子儀武宗皇帝詔天下
若曰世皆知尊孔子矣而皆未至也其進封聖文宣
王孔子爲大成至聖文宣王今上皇帝正位制若曰
孔子大聖推本父母未及褒崇父叔梁紇可封啓聖

王母顏氏可封啓聖王夫人以璽書告闕里廟庭猗歟盛哉夫天下旣富而教興焉教興必于學學必有所師師莫若聖聖莫若孔子則廟而事之者學者宜莫先焉且旣富而教雖三王之治未有不富而能教者吾州介江淮之交生殖甚寡然少長安于樸俗衣服飲食給于田蠶弋釣之力工商給於粗完男女婚嫁養生送死質而有節其人已幾于淳厚故易富而易教弗如他州必待厚藏而後富近刑而後教也是以見其大夫賢欲有所興起於善而又應之之速也

如此誣天下以難治者豈君子哉國家以文化成四海考郡縣之績當以吾州爲首焉茲序其實而又繫之以詩俾州人歌新廟之成而不忘州大夫之德也詩曰於穆聖師降我新廟几筵維飭設像維肖四瞻周廟載基載築雅雅鱗鱗靈御之肅靈御之肅衣裳我人俾不爲羣而卽於倫埏埴萬類同仁於天匪言莫宣匪文莫傳六藝百家咸質於經我維受之日化於成大帝在位翕以敷施考妣啓聖而追王之四海作則文明式昭我州易教作廟維喬榎楠梓柏弗雕

古今圖書集成
而斲陶瓦髹漆施色丹雘麗牲在門春秋蠲吉官屬
師徒端弁以入其容鏘鏘其神洋洋牖茲顓蒙闇日
而章維巘諸谷會流爲潢南薄其鄂州名爲光光在
北城瘠土寡殖維人易教衣食耕織則旣衣食又學
爲士學士有師先聖是祠州侯德勸民豈忘之

石田山房記

前人

桐柏之水發爲淮東行五百里合澗潢山谷諸流左
盤右紆環繚山麓其南有州曰浮光土衍而草茂民
勤而俗樸故贈騎都尉開封郡伯浚儀馬公實嘗監

焉公之子祖常少賤而服田於野以給餽粥鄉之人
思慕郡伯之政念其子之能勞而將去也迺爲之卜
里中地亟其葺屋而俾就家焉屋傍有崇丘可五七
丈溪水旁折而出岸碕之上嘉樹苞竹蒼蔚蔽虧前
爲木梁梁溪而行周垣悉編菅葦門屋覆之以茨歲
時里鄰酒食往來牛耕田器更相貫貸寒冬不耕其
父老各率子若孫持書笈來問孝經論語孔子之說
其耕之士雖磽瘠寡殖不如江湖之沃饒然猶愈於
無業也祖常者因樂而居焉如是名其居曰石田山

古今圖書集成
房且自爲記與圖以屬當世能言之士請爲賦詩異
日使淮南人歌之

涑水書院記

王緯

光山縣自漢魏以來俗尚淳循名教士風然也至元
壬戌縣侯從仕郎帖木兒不花來蒞光山越明年政
成訟息穆然無事乃詢同僚及邑之耆德曰方今文
治浹洽黨庠家塾比羣相望近代則有書院精舍之
設所以育人材廣教養者亦吾縣所宜有况先賢司
馬溫國文正實生是邑可弗祠與衆翕然樂從乃買

縣治西偏故第袤若干畝楮以緡計者萬七千奇因
其舊而增飾華不至侈儉不至陋悉中繩度名曰涑
水書院蓋取公之雅號焉堂爲七楹中設溫公像名
曰粹德取公銘碑之義焉堂之左以屬賓客右以延
師席闢齋五聚士之俊造與幼而學者分教之游息
之所講肄之室庖廩井廐靡不備具貧無資學及四
方宦而游者至則如歸置稻田若干畝爲收歲入以
贍且以供祀事士子衿佩彬彬然相與揖遜於其中
日講周公孔子之道詩書六藝之習明人倫厚風化

於是乎在歲時以祀溫公率諸執事肅然就位盥洗周旋登降拜伏籩豆靜嘉禮容有恪知公不鄙神之來享也無疑矣古者德冠一鄉化行一邑民猶廟祀而尸祝之不忘况公生之邑哉邑之人拜公遺像思公平生正有觀感興化相繼而出者矣是舉也官無妄費民不知勞尊前賢勵後學關乎綱常之重亦以見縣侯及諸君子之賢知爲政之先務矣

